


Gg









D E

# CALCULO RENALI, THESES

## ANATOMICÆ ET CHIRURGICÆ.

*Quas, DEO DUCE & præside M. JOANNE-CLAUDIO  
MERTRUD, Facultatis Artium & Chirurgiæ Magistro,  
Academiæ Regiæ Chirurgiæ Consiliario, Anatomes &  
Chirurgiæ in horto Plantarum Regio Demonstratore, &c.  
tueri conabitur, PETRUS COLON, Æduensis, Artium  
Liberalium in almâ Universitate Parisiensi Magister,  
& Nosocomii generalis in domo dictâ Bicêtre, Chirurgus  
præcipuus.*

P A R I S I I S,

IN REGIIS CHIRURGORUM SCHOLIS,

*Die Sabbati septimâ Aprilis, à sesqui-secundâ post meridiem ad septimam  
A. R. S. H. 1770.*

PRO ACTU PUBLICO  
ET SOLEMNI COOPTATIONE.



Typis P. AL. LE PRIEUR, Regii Chirurg. Collegii  
Typographi.

---

M. DCC. LXX.



DE  
CALCULO RENALI,  
THESES

ANATOMICA ET CHIRURGICAE.

Quas, Dno Doco & p[re]sido M. JOANNE-CLAUDIO  
MERTURD, Facultatis Artium & Chirurgiae Magistro,  
Academiae Regiae Chirurgiae Consultario, Anatomae &  
Chirurgiae in hunc Praesentium Regiae Consultatore, &c.  
tanti conatus, Petrus CORON, Alumnus, Artium  
Liberalium in alia Universitate Litterarum Magister,  
& Medicus generalis in domo d[omi]ni Bictore, Chirurgus

PARISIIS  
IN REGIIS CHIRURGICORUM SCHOLIS,

PRO ACTU PUBLICO  
ET SOLEMNI COOPTATIONE.



Typis P. A. le Prieur, Regii Chirurg. Collegii  
Typographi.

M. DCC. LXX.





*D. O. M.*  
D E  
CALCULO RENALI,  
THESES  
ANATOMICÆ ET CHIRURGICÆ.  
*EX ANATOMIA.*

**T**ANTA est in corpore humano secretionum & operationum varietas, tam diversa in liquoribus, partium heterogenearum congeries, tam stupenda in viscerum structurâ tubulorum, sanguinem aliosque sibi permixtos latices, per flexus labyrinthæos agentium, intricatio, tanta ad concretionem calculosam proclivitas, ut nulla ferè pars vel Regio re-



periat in quâ non aliquando Calculi inventi vel indè exclusi fuerint, nullum omninò viscus ab hoc onere liberum & immune dixeris.

Nec mirum si in ventriculo, intestinis, corde, vasis sanguiferis, cerebro, oculis, naribus, tonsillis, ductibus Stenonis & Warthonii, pulmone, thimo, hepate, liene, pancreate, mezentorio, inventos ac deprehensores Historiæ passim & Observationes exhibeant (a). De his omnibus, aliisque in vesicâ felleâ, urinariâ, prostatica, utero, &c. Repertis differere verat angustior pagina; de illorum formatione ut & de secretionum mechanismo, silere jubet institutio; de Calculo Renali, prælibatis quibusdam de partis structurâ, nobis agendum incumbit.

IN utrâque regione lumbari, ut plurimum infrâ jecur & lienem, extrâ peritonei lamellam, deprehenditur viscus atrobens, densâ pinguedine obductum, textû cellulari involutum, phaseoli formam æmulans, renis nomine: hoc lotii secretorium, communi propriâque membranâ instructum, tubulis tenuissimis bellinianis dictis refertum, urinam à sanguine arterioso secretam in calices ac pelvim impluit, ut indè per urethres in vesicam urinariam delabatur, foras educenda.

OBVOCATUR superiùs peculiari parte galeam aut cristam gallinaceam referente, coloris atro-flavescentis, cui nomen glandula super Renalis sive capsula atrabiliaris vel etiam ren succenturiatus. Substantiam habet glandulosam, rubentem, cavitate donatam, liquore subluteo madidam, arteriis, venis nervisque refertam, sed nullo sensibili ductu excreto-

(a) Kœmpfer. Amœn. Exot. Fasc. 11, pag. 400. Ephem. germ. D. 1, A. 11, Obs. CLXXXI, pag. 278, &c.

Miscell. Curios. A. I. V. Heyster Instit. Chirurg. Ephem. Germ. Hottinger in Ephem. Germ. de his omnibus Legatur Dissertatio de Calculis in locis inusitatis natis & per vias insolitas exclusis Authore Joh. Aug. Schulze, Præside Abrah. Vatero. Disput. Chirurg. Select. Albert. Haller. Tom. IV, pag. 19 & seq. Le Dran, Operat. de Chirurg. & Obs. de Chirurg. Journal des Savans, ann. 1688 & suiv. Mémoires de l'Académie des Sciences, de Chirurgie, &c.



3

rio. De hujusce glandulæ usu licet multa decantaverint Authores, res adhuc spissiori obvolvitur caligine.

De genuinâ Renis substantiâ maxime dissentiunt Anatomici; alii enim vasculosam, glandulosam alii, quidam tubulis albis-  
simis constatam, nonnulli etiam peculiari parenchymate constantem volunt. Tantas lites componere valeat audacior Minerva.

INSTITUTA per dorsum Renis, juxta ipsius longitudinem sectione methodicâ, triplex exurgit substantia; exterior corticalis quæ prima sive glandulosa, subfusca est; alia radiata quæ vasculosa, subrubra, tertia verò mammillaris, dilutior, plurimis papillis conicis in totidem calices liberè nidulantibus instructa, in conspectum venit.

Non idem in quolibet Rene papillarum numerus: quandoque duodecim, non rarò novem annumerari solent. Ex calicium congerie constat pelvis, tripartita, lata, sensim angustior & in ductum membranaceum ad vesicam usquè protensum, uretheris nomine, desinens.

TRIPLICI, vel ut alii volunt, quadruplici membranâ componitur urether; cellularis exterior & communis, fibras quasdam musculares secundam constituentes obvolvitur; tertia nervea vel tendinosa, quarta deniquè villosa, mucoso liquore mader, contra nocivos urinæ sales vallum perutile. Urether in vesicam, non recto foramine, sed obliquo inter tunicas itinere, ita tendit ut membrana secunda prioris aperturam claudat & sic cæteræ, totidem fere valvulas componentes, quò faciliùs in vesicam depluat urina, retrocedere nescia.

### E X C H I R U R G I A.

QUAM lugenda sit miselli Calculo vesicæ laborantis fors norunt omnes: sed quantò crudelior hic affectus, si Calculus Renum tantam auspicatus fuerit molem ut uretherem transire nequeat, solus novit rei Chirurgicæ peritus. Nihil enim hoc in casu valet Ars, nisi benignè filum per tormentorum angustias præbere dignata fuerit alma genitrix terum. Calculus in Rene concretus, iners ac innoxium corpus est si tantâ lævitate donetur, ut nullam vicinis partibus noxam in-



4

ferre valeat; sed eheu! Quoties frigidus in herbâ latet anguis! Quoties enim ad auctâ mole, uretheris angustia detinetur, vel asperitate figuræ tenellas pelvis lædit papillas, mox metuenda renascitur hydra: adest calamitatum cohors. Jam partis inflammatio, undè dolores acerrimi nephritidis subsequentis & ferè insanabilis oriuntur. *Dolores ad hypochondrium & ilia premunt & ad lumbos lumborumque musculos, & patitur similia ac mulier partûs doloribus correpta.* (a).

QUAM difficilis, quam anceps sit Calculi Renalis diagnosis arguit celeberrimus Boerhaave (b) qui immensas nephritidis causas, indagatori perspicacissimo vix familiares asserit, sed omnes licet multifariæ styrgis soboles, unâ eâdemque methodo, primis temporibus debellandas proponit. A quacumque enim causâ ortum ducat nephritis, per assueta inflammationis media curari debet (c).

INITIO mali, cum res in angulo latet, venæ sectiones plus minus-vè repetitæ ratione intensi doloris febrisque concomitantis aut turgescentiæ vasorum, potus diluentes, aquosi, emulsiones, fots, cataplasmata, inunctiones, balnei, &c. in usum prodeunt. Opiata in dolorum sævitia commendant plures; verum parcâ manû & non nisi maximâ cum cautelâ adhibenda censemus. Ex fallaci enim levamine, sæpiùs occurrit gangræna lethalis; & dum sese melius habere autumat æger, præceps ruit in exitum.

VARIOS pro diversitate symptomatum sibi eventus fortiri nephritidem docet experientia non fallax; alia enim resolutione, quæ utinam frequentior! Suppuratione alia, quædam gangrænâ corripitur. Non raro etiam schirrosam indolem induit Ren vitio maculatus. In solâ suppuratione Renis Calculum hospitantis, ancipitem sed unicam salutis anchoram proponere non dubitamus.

Ex præcipuis Renis suppurati symptomatibus, præsertim si

(a) Hypocrates de internis affectibus. Charter. Tom. VII, pag. 651.

(b) Van-Swieten, Commenta. in Herman, Boerhaave, Aphorism. Tom. III, pag. 224, §. 994.

(c) Ibid. pag. 234, 236. §. 997, 1000.



5

dato tempore , negentur resolutionis signa , nulla vel pauca fiat secretio , dolor licet minùs intensus , in eodem statu ferè hæreat , horrores varios & insolentes experiatur ager , intumescentiâ œdematosâ corripiatur regio lumbaris ; tunc ad maturantiâ cataplasmata & emplastra confugiendum ; quibus si pars tumens in altum extendatur , scalpellum protinùs intrà cavum abscessûs mittere ne dubites : datâ vitioso latici idoneâ aperturâ , digitus in imo Renis cavo omnes blandè perlustrer sinus , hostem lyncæis oculis exploret ; mox ubi detegitur , ampliato vulnere , vossellâ vel unco educatur , mittendus foras.

Si à vulnere , ictu aut præmisso quo vis abscessû , patefiat in regione lumbari sinuosum ulcus ; indefinenter stillante urinâ , durefcunt ulceris margines , præprimis si in Renis cavo nidulentur lapilli aut grandior calculus , hinc excavatur fistula vix unquam , nisi post eductum Calculum , coalitionis capax.

In proposito casu , demisso intra cavum labyrinthæi ductûs specillo sulcato , Calculum scrutare ; mox ubi tactû perfcntitur , mitte juxtâ sinûs longitudinem ferrum , musculos , pinguedines propriamque Renis substantiam ad imam usquè cavitatem secans , ut indè immisso forcipe , Calculus evelli queat. tunc callosas ulceris oras tollere , sauciatasque partes ad constantem solidamque cicatricem per idonea medicamina debitasque deligationes , conducere , satagit Artis prudens.

F I N I S.



